



CONCELLO DE VIGO
Secretaría de Goberno Local

D^a. PATRICIA RODRIGUEZ CALVO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do **24 de xullo de 2025**, adoptou o seguinte acordo:

9.- PROXECTO DE ORGANIZACIÓN E EXECUCIÓN DA ACTIVIDADE “PERCORRIDOS MEDIOAMBIENTAIS DE OUTONO POR CONTORNAS NATURAIS SINGULARES”, DENTRO DO PROGRAMA CAMIÑO A CAMIÑO 2025. EXPTE 18802-306.

Visto o informe de fiscalización de data 17/07/2025, sométese a aprobación o informe proposta de data 15/07/2025, asinado polo xefe do Servizo de Medio Ambiente e conformado pola concelleira delegada e pola concelleira da Área de Goberno, que di o seguinte:

ANTECEDENTES:

A concelleira delegada de Medio Ambiente en data do 10 de xullo de 2025, acordou a iniciación de procedemento administrativo para a elaboración e aprobación do proxecto de sensibilización medioambiental coa temática Percorridos Medioambientais de Outono por contornas naturais singulares, dentro do programa Camiño a Camiño 2025.

O Servizo de Medio Ambiente redacta o mencionado proxecto que recolle cinco rutas medioambientais por Galicia para un total de 750 participantes, que se desenvolveran nos meses de setembro e outubro de 2025.

As actividades que se realizarán baixo a denominación “En outono, contornas naturais singulares” van dirixidas ao coñecemento de espazos naturais de Galicia con distintos niveis de protección ambiental. As actividades versarán sobre a falla que atravesa Galicia dende Carballo ata Tui e que configura a parte occidental da comunidade autónoma.

As fallas son fracturas na corteza terrestre ó longo da cal houbo movemento relativo dos bloques de roca que a compoñen. Estas fracturas prodúcense cando as forzas tectónicas superan a resistencia das rochas, o que provoca o seu desprazamiento.

As actividades comezarán na Fervenza do río Barosa en Barro, que representa a parte baixa da falla e precisamente foi por onde se trazaron as vías de comunicación dende os romanos ata a actualidade. Aparte de ser un entorno natural singular, na actualidade, é o único lugar onde se mantén un tramo da calzada romana.

Nas tres etapas seguintes ascenderase ás montañas que bordean a falla para velas dende distintas perspectivas e comprender a dinámica desta e como condicionou a conformación das rías de Arousa, de Pontevedra e de Vigo. Haberá ocasión de achegarse outros paraxes naturais como o “Bosque de secuoyas de Colón” e outras contornas naturais de interese.



Copia do documento - Concello de Vigo	Data impresión: 31/07/2025 11:59	Páxina 1 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Para finalizar realizarase unha ruta por Vigo na que se percorrerá o río Barxa, afluente do río Lagares, e comprobarase algúns dos espazos de conservación máis interesantes do termo municipal composto por bosque de ribeira típico formado por amieiros (*Alnus glutinosa*) e salgueiros (*Salix ssp.*), hábitats prioritarios incluído na Directiva Hábitats (92/43/CEE).

O orzamento estimado das actividades, incluído transporte, ascende a un total de 22.536,25 euros (IVE engadido).

O presente orzamento, de máximos, é unha mera estimación e a posibilidade da súa execución virá determinada pola dispoñibilidade orzamentaria axeitada e suficiente cuxa fiscalización, cando proceda, se levará a cabo nos correspondentes expedientes administrativos precisos para súa efectiva execución.

A estes efectos a Concellería de Medio Ambiente prevé determinados procedementos administrativos: convenio de colaboración empresarial (en especie) con entidades privadas que desenvolverá as actividades previstas, co obxecto da execución deste proxecto de actividades.

O artigo 25 da Lei 49/2002 de, 23 de decembro, de réxime fiscal das entidades sen fins lucrativos e dos incentivos fiscais ó mecenazgo, establece que se entenderá por convenio de colaboración empresarial en actividades de interese xeral para os efectos previstos nesta Lei, aquel polo que as entidades a que se refire o artigo 16 (entre as que están as entidades locais) a cambio dunha axuda económica (pode ser en especie) para a realización das actividades que efectúen en cumprimento do obxecto ou finalidade específica da entidade, se comprometen por escrito a difundir, por calquera medio, a participación do colaborador nas citadas actividades.

FUNDAMENTOS DE DEREITO:

O artigo 25.2., apartados b) e l), da vixente Lei 7/1985, de 2 de abril, reguladora das bases de réxime local, segundo modificacións introducidas por Lei 2/2013, de 27 de decembro, outorga competencias aos Municipios, nos termos da lexislación do estado e das CC.AA., no “medio ambiente urbano” e, tamén, “ocupación do tempo de lecer”.

A Área de Goberno de Área de Goberno de Fondos Europeos, Medio Ambiente, Educación e Normalización Lingüística ten atribucións por delegación de competencias do alcalde do 28/06/2024, BOPPO 09/07/2024, en materia medioambiental, entre as que destacan, desenvolver programas e campañas de información, educación, sensibilización e concienciación social en relación coa protección do medio ambiental, tamén, o fomento de hábitos de vida saudables.

A protección do medio ambiente exerceuse non so a través dos procedementos de disciplina medioambiental, senón tamén a través de políticas de sensibilización, educación e concienciación da cidadanía en materia medioambiental.

As distintas leis sectorias, tanto estatais como da C.A. de Galicia, recollen dentro dos seus principios inspiradores a educación ambiental, a sensibilidade e concienciación da cidadanía polo respecto e protección do medio ambiente.

A Lei 1/1995, de 2 de xaneiro, de protección ambiental de Galicia establece no seu artigo 2.e, como un dos principios inspiradores da Lei, o da promoción da educación ambiental e da



Copia do documento - Concello de Vigo	Data impresión: 31/07/2025 11:59	Páxina 2 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

concienciación cidadá, en tódolos sectores sociais, para una eficaz defensa dos valores ambientais, a fin de que, de acordo coa información obxectiva, completa e actual, poida participar a totalidade da poboación na defensa do seu medio ambiente.

Neste sentido, a Concellería de Medio Ambiente ben realizando actividades de sensibilización e educación medioambiental, fundamentalmente no entorno de Vigo e bisbarra.

As actuacións realizadas sempre buscan, ademais de trasladar coñecementos básicos sobre o medio ambiente, percibir directamente estes coñecementos coa experiencia de camiñar e de realizar accións interpretativas sobre o terreo.

Nesta liña, esta concellería pretende continuar con rutas medioambientais que fomenten a sensibilización da cidadanía polo medio ambiente, coñecemento do hábitat da área de influencia de Vigo e Galicia, tanto nas súas dimensións de flora e fauna como de conformación do ecosistema e das dinámicas humanas de adaptación a este. Para isto, desenvolveranse percorridos por espazos cunha riqueza natural particular tanto situados en Galicia, falcendo fíncapé na súa riqueza natural.

O proxecto proposto configúrase, por tanto, como unha actividade conforme co interese público municipal e axustada ao ordenamento xurídico.

O artigo 25 da Lei 49/2002 de, 23 de decembro, de réxime fiscal das entidades sen fins lucrativos e dos incentivos fiscais ó mecenazgo, establece que se entenderá por convenio de colaboración empresarial en actividades de interese xeral para os efectos previstos nesta Lei, aquel polo que as entidades a que se refire o artigo 16 (entre as que están as entidades locais) a cambio dunha axuda económica (pode ser en especie) para a realización das actividades que efectúen en cumprimento do obxecto ou finalidade específica da entidade, se comprometen por escrito a difundir, por calquera medio, a participación do colaborador nas citadas actividades, polo que sería posible subscribir estes convenios para a execución das actividades.

En virtude do apartado Primeiro, 2 da resolución de delegacións de competencias do alcalde na Xunta de Goberno Local de data 20 de xuño de 2023 (BOPPO, 28/06/2023), correspóndelle a esta a “aprobación de calquera programa, plan, proxecto, campaña ou promoción de actividade e ou servizos de competencia municipal”.

En mérito dos antecedentes e fundamentos expostos, fórmulase á Xunta de Goberno Local a seguinte

PROPOSTA:

Primeiro.- Aprobado o proxecto de organización e execución da actividade percorridos medioambientais de outono por contornas naturais singulares, dentro do programa camiño a camiño 2025, redactado polo Servizo de Medio Ambiente o 10 de xullo de 2025, que recolle cinco rutas de interese medioambiental por Galicia para un total de 750 participantes que se desenvolveran nos meses de setembro e outubro de 2025.

Segundo.- Unha vez aprobado o programa, tramitar os procedementos administrativos necesarios para a execución deste.



Copia do documento - Concello de Vigo	Data impresión: 31/07/2025 11:59	Páxina 3 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Terceiro.- Publicar no Portal de Transparencia municipal o presente acordo e o proxecto de actividades aos efectos de que as entidades empresarias interesadas no prazo de sete días hábiles acheguen solicitude de colaboración nos termos previstos no artigo 25 da Lei 49/2002 de, 23 de decembro, conforme o modelo que se inclúe como anexo.

ACORDO

A Xunta de Goberno local aproba a proposta contida no precedente informe.

PROXECTO DE ORGANIZACIÓN E EXECUCIÓN DA ACTIVIDADE “PERCORRIDOS MEDIOAMBIENTAIS DE OUTONO POR CONTORNAS NATURAIS SINGULARES”

SETEMBRO-OUTUBRO 2025

1. DESCRICIÓN DO SERVIZO

Dende a Concellería de Medio Ambiente lévanse facendo actividades de sensibilización e educación medioambiental nos últimos anos no entorno de Vigo e Galicia.

As actuacións realizadas sempre buscan, ademais de trasladar coñecementos básicos, percibir directamente estes coñecementos coa experiencia de camiñar e de realizar accións interpretativas sobre o terreo.

Nesta liña, esta Concellería pretende continuar con rutas medioambientais o vindeiro outono de 2025 que fomenten a sensibilización da cidadanía polo medio ambiente.

O proxecto de actividades integrárase dentro da colaboración Concello de Vigo con entidades privadas no marco de convenios de colaboración que se tramitarán no servizo de Medio Ambiente.

2. ACTIVIDADES: DESCRIPCIÓN

Preséntase o seguinte cronograma de actividades:

Data 2025	Día semana	Horario	Actividade: Paseo interpretativo	Usuarios	Autobús
28 set	Domingo	8:30-15:00	Fervenza do Río Barosa (Barro)	150	Discrecional
5 out	Domingo	8:30-15:00	Monte Castrove (Meis)	150	
12 out	Domingo	8:30-15:00	A Fracha (Pontevedra)	150	
19 out	Domingo	8:30-15:00	Monte Galleiro (Mos)	150	
26 out	Domingo	8:30-15:00	Río Barxa (Vigo)	150	



Copia do documento - Concello de Vigo

Data impresión: 31/07/2025 11:59

Páxina 4 de 9

250210204

CSV: AEA288-4649D1-C2C38E-CBYX1W-CK7A9N-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



CONCELLO DE VIGO
Secretaría de Goberno Local

• **Programa dos percorridos interpretativos:**

As actividades realizadas baixo a denominación “**En outono, contornas naturais singulares**” van dirixidas ao coñecemento de espazos naturais de Galicia con distintos niveis de protección ambiental. As actividades versarán sobre a falla que atravesa Galicia dende Carballo ata Tui e que configura a parte occidental da comunidade autónoma.

As fallas son fracturas na corteza terrestre ó longo da cal houbo movemento relativo dos bloques de roca que a compoñen. Estas fracturas prodúcese cando as forzas tectónicas superan a resistencia das rochas, o que provoca o seu desprazamiento.

As actividades comezarán na Fervenza do río Barosa en Barro, que representa a parte baixa da falla e precisamente foi por onde se trazaron as vías de comunicación dende os romanos ata a actualidade. Aparte de ser un entorno natural singular, na actualidade, é o único lugar onde se mantén un tramo da calzada romana.

Nas tres etapas seguintes ascenderase ás montañas que bordean a falla para velas dende distintas perspectivas e comprender a dinámica desta e como condicionou a conformación das rías de Arousa, de Pontevedra e de Vigo. Haberá ocasión de achegarse outros paraxes naturais como o “Bosque de secuoyas de Colón” e outras contornas naturais de interese.

Para finalizar realizarase unha ruta por Vigo na que se percorrerá o río Barxa, afluente do río Lagares, e comprobarase algúns dos espazos de conservación máis interesantes do termo municipal composto por bosque de ribeira típico formado por amieiros (*Alnus glutinosa*) e salgueiros (*Salix ssp.*), hábitats prioritarios incluído na Directiva Hábitats (92/43/CEE).

• **Público obxectivo:**

Na actividade poderán participar persoas de todas as idades, particularmente adultos.

O número previsto de participantes está en 150 persoas por percorrido.

• **Cronograma da actividade:**

8:00 – 8:30 Convocatoria e saída dende a Praza do Rei

8:30 - 10:00/10:30 Desprazamento ata o lugar de inicio do percorrido

10:00/10:30 - 13:00 Percorrido programado.

13:00 -14:30/15:00 Retorno ata a Praza do Rei.

• **Perfil do persoal** preciso para o desenvolvemento do proxecto:

- a. Un Coordinador de Actividade, que proporcionan o detalle da execución das actividades e os contidos a presentar ao monitoraxe, así como a distribución de funcións e tarefas a realizar durante as actividades dirixidas a gran grupo e a xestión administrativa correspondente.



Copia do documento - Concello de Vigo	Data impresión: 31/07/2025 11:59	Páxina 5 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- .b Percorridos: Cinco monitores de actividade medioambientais, socioculturais ou de tempo libre segundo a previsión descrita anteriormente nos percorridos.
- .c Persoal de apoio para os percorridos con furgoneta en circulación.

A organización da actividade, dinamización e comunicación desenvolverase a través dunha empresa especializada neste tipo de actividades.

Para o desprazamento está previsto empregar o autobús discrecional.

- **A empresa de servizos que desenvolva as actividades proxectadas deberá realizar:**

- .a Os seguros de responsabilidade civil.
- .b A relación que haxa cos usuarios previa e posterior ás actividades, en coordinación con persoal do Concello de Vigo. Derivada destas actuacións recibírase información persoal para a súa tramitación e, asemade entregárase aos monitores a información que estes precisen para desenvolver as súas funcións.
- .c A posta a disposición do material necesario para o desenvolvemento das actividades.
- .d Aquelas outras obrigas de índole legal e organizativas que se deriven da organización da Campaña.

- **Tarefas xerais previstas**

- Organización e execución das actividades, incluído os recursos oportunos
- Xestión dos participantes sobre a base dos listados proporcionados pola Concellería de Medio Ambiente.
- Programación de cada actividade e elaboración dos guións de traballo e a documentación pertinente para a súa distribución entre o equipo e a correspondente preparación por parte deste.
- Organización do equipo de traballo para cada actividade a partir da indicación do número de usuarios inscritos o venres previo a cada unha.
- Organización da saída dos usuarios dende o punto de encontro tanto de inicio de actividade como de retorno definido pola Concellería de Medio Ambiente.
- Información xeral aos usuarios durante o desenvolvemento da actividade, así como atención a necesidades que se produzan ao longo da mesma.
- Apoio telemático á Concellería de Medio Ambiente no proceso de inscrición e participación nas actividades.



Copia do documento - Concello de Vigo	Data impresión: 31/07/2025 11:59	Páxina 6 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

- Acompañamento ao grupo de usuarios nos desprazamentos polos paseos, con especial atención aos tramos de circulación rodada ou de especial dificultade.

3. ACTIVIDADES: ORZAMENTO ESTIMADO

O orzamento estimado das actividades determínase en función dos prezos de mercado de empresas do sector, con referencia ás táboas salariais do Convenio de Ocio educativo e Animación sociocultural, tendo en consideración que as actividades se realizan en domingo, e en consideración ás tarefas que se deben desenvolver antes citadas.

Ademais das horas de realización efectiva da actividade polos monitores, estes deben percorrer a ruta nos días anteriores cun tempo estimado igual ao da actividade.

En consideración ao exposto, estímase o seguinte orzamento:

Concepto e custes unitarios	Total Base €	% IVE €	Total IVE €	TOTAL €
Monitorado e organización percorridos e actuacións 5 percorridos de medio día, con preparación previa e atención público x 2.225 €/percorrido	11.125,00	21%	2.336,25	13.461,25
Transporte discrecional (3 autobuses) 5 xornadas de transporte: 550 €/autobus	8.250,00	10%	825,00	9.075,00
CUSTE TOTAL	19.375,00		3.161,25	22.536,25

O presente orzamento, de máximos, é unha mera estimación e a posibilidade da súa execución virá determinada pola dispoñibilidade orzamentaria axeitada e suficiente cuxa fiscalización, cando proceda, se levará a cabo nos correspondentes expedientes administrativos precisos para súa efectiva execución.

A estes efectos a Concellería de Medio Ambiente tramitará determinados procedementos administrativos: convenio de colaboración con entidades privadas para desenvolver as actividades previstas, co obxecto da execución deste proxecto de actividades.

4. DESTINATARIOS E PROCESO DE INSCRICIÓN

Cara determinar os destinatarios da actividade establécense os seguintes criterios:



Copia do documento - Concello de Vigo	Data impresión: 31/07/2025 11:59	Páxina 7 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Persoas maiores de idade veciños de Vigo (autorízase á organización a comprobar tal condición e a solicitar o DNI previamente á realización da actividade).
- No caso de residir en Vigo e non ser veciños incluírase na lista de agarda, confirmándose a praza no caso de vacantes ao final do proceso de inscrición.
- Menores de idade. Deberán ir acompañados polos seus pais ou titores legais. No caso de ir a cargo doutro adulto distinto deberá presentar un documento de autorización.
- Inscrición no Servizo 010 (986 810 260) de luns a xoves de 8 a 20 horas, os venres de 8 a 14 horas.
- Datos mínimos de inscrición: nome completo, DNI (no caso de menores, DNI do titor), teléfono de contacto, data de nacemento.
- Opcionais: e-mail.
- Cada persoa só poderá inscribir a un total de 3 persoas, sendo necesario dispor de todos os datos esixidos.
- A inscrición faise por estrito orde de entrada da chamada, que quedará debidamente rexistrada no sistema informático do Servizo 010 ou na Web.
- No caso de cubrirse o cupo da ruta ou de non ser veciño de Vigo, pasarase á lista de agarda.
- As renuncias cubriranse coa lista de agarda, tendo preferencia os veciños de Vigo.
- Unha mesma persoa non poderá asistir a dúas rutas consecutivas.

5. PUBLICIDADE

O programa da actividade publicarase na Web municipal, sen prexuízo doutros canles de difusión.

6.- TRATAMENTO DE DATOS DE CARÁCTER PERSOAL

Os datos das solicitantes e os dos seus representantes serán incorporados aos ficheiros municipais. A finalidade da súa recollida é co obxecto da realización da actividade na que se inscribe o/a participante.

Estes datos incorporaranse ás correspondentes actividades de tratamento do Concello de Vigo e serán tratados coa finalidade específica de cada tratamento de conformidade coa regulación establecida polo Regulamento (UE) 2016/679 do Parlamento Europeo, L.O. 3/2018, de 5 do decembro, de protección de datos persoais e garantía dos dereitos dixitais e demais disposición de aplicación. As persoas cuxos datos persoais sexan tratados polo Concello de Vigo poderán exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, perente o órgano responsable do ficheiro. No caso de descoñecer este órgano, dirixírase ao correo dpd.vigo@vigo.org



Copia do documento - Concello de Vigo	Data impresión: 31/07/2025 11:59	Páxina 8 de 9
250210204	CSV: AEA288-4649D1-C2C38E-CBYX1W-CK7A9N-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

ANEXO

INSTANCIA-FORMULARIO DE
SOLICITUDE DE COLABORACIÓN EMPRESARIAL PARA PROXECTO DE ORGANIZACIÓN E
EXECUCIÓN DA ACTIVIDADE PERCORRIDOS MEDIOAMBIENTAIS DE OUTONO POR CONTORNAS
NATURAIS SINGULARES, DENTRO DO PROGRAMA CAMIÑO A CAMIÑO 2025,

NOME DA ENTIDADE:
CIF.....ENDEREZO.....
LOCALIDADE.....CÓDIGO POSTAL.....

NOME DO REPRESENTANTE LEGAL DA ENTIDADE:.....
NIF.....TELÉFONO DE CONTACTO.....
CORREO ELECTRÓNICO

ACTIVIDADE/S OU PROGRAMA/S OBXECTO DE COLABORACIÓN:

- PROXECTO DE ORGANIZACIÓN E EXECUCIÓN DA ACTIVIDADE PERCORRIDOS MEDIOAMBIENTAIS DE OUTONO POR CONTORNAS NATURAIS SINGULARES, DENTRO DO PROGRAMA CAMIÑO A CAMIÑO 2025,

FORMA DE COLABORACIÓN:

- EN ESPECIE EXECUTANDO DIRECTAMENTE AS ACTIVIDADES E TRANSPORTE.
VALORACIÓN ECONÓMICA DA ACHEGA

En, ade.....de 20....

Asdo.:

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE
Abel Caballero Álvarez.



Copia do documento - Concello de Vigo
250210204

Data impresión: 31/07/2025 11:59 Páxina 9 de 9
CSV: AEA288-4649D1-C2C38E-CBYX1W-CK7A9N-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>